

Na osnovu člana 79. Zakona o visokom obrazovanju Kantona Sarajevo („Službene novine Kantona Sarajevo“, broj. 33/17), člana 23. Pravila studiranja za treći ciklus studija na Univerzitetu u Sarajevu, Pravila studiranja za treći ciklus studija na Arhitektonskom fakultetu Univerziteta u Sarajevu, člana 116. Statuta Univerziteta u Sarajevu, Odluke Vijeća Arhitektonskog fakulteta broj:04-01-173/1-18 od 26.01.2018. godine, Odluke Senata Univerziteta u Sarajevu, broj: 01-108/18 od 31.01.2018. godine i prethodne saglasnosti Ministarstva za obrazovanje, nauku i mlade Kantona Sarajevo, broj: 11/05-3818430-1/18 od 21.05.2018. Arhitektonski fakultet u Sarajevu objavljuje,

K O N K U R S
za upis studenata na TREĆI CIKLUS STUDIJA – DOKTORSKI STUDIJ
na Arhitektonskom fakultetu u Sarajevu
u studijskoj 2018/19. godini

I

Konkurs se raspisuje za upis studenata u III (treći) ciklus studija – doktorski studij na Arhitektonskom fakultetu u Sarajevu u studijskoj 2018/19 godini iz oblasti arhitekture i urbanizma.

Studij se organizuje u trajanju od tri studijske godine i vrednuje se sa 180 ECTS bodova.

Njegovim završetkom nakon odbrane doktorske disertacije stiče se akademska titula i naučno zvanje **„Doktor tehničkih nauka iz oblasti arhitekture i urbanizma.“**

II

Pravo učešća na konkursu imaju pod jednakim uvjetima, državljani Bosne i Hercegovine i strani državljani za koje je nakon postupka nostrifikacije, odnosno ekvivalencije diplome ranije završenih ciklusa/stepena studija utvrđeno da imaju završeno adekvatno obrazovanje za nastavak studija.

Na prvu godinu III (trećeg) ciklusa studija – doktorski studij na Arhitektonskom fakultetu mogu se upisati kandidati koji ispunjavaju uvjete i to:

- a) kandidati koji su stekli zvanje magistar arhitekture – diplomirani inženjer arhitekture, kandidati koji su stekli diplomu drugog ciklusa studija akademskog zvanja magistra – diplomirani inženjer arhitekture (sa ukupno 300 ECTS bodova) ili ekvivalenta na Arhitektonskom fakultetu, Građevinskom fakultetu ili srodnim tehničkim fakultetima;
- b) kandidati koji su stekli zvanja diplomirani inženjer arhitekture po predbolonjskom sistemu studiranja i uključili se u program ekvivalencije na Arhitektonskom fakultetu u Sarajevu, a isti su obavezni okončati tokom prve godine doktorskog studija;
- c) kandidati koji su stekli diplomu drugog ciklusa studija akademskog zvanja magistra ili ekvivalenta iz oblasti drugih tehničkih nauka. Oni su obavezni da polože određene razlikovne predmete iz studijskog programa arhitekture i urbanizma, koje utvrdi Vijeće doktorskog studija;

Kandidati koji su stekli titulu magistra nauka iz oblasti arhitekture i urbanizma prije uvođenja Bolonjskog sistema trocikličnog studija, priznaje se 60 ECTS studijskih bodova.

III

Uz prijavu na konkurs, kandidati su dužni dostaviti slijedeću dokumentaciju:

- popunjen obrazac prijave (preuzima se na web stranici Fakulteta),
- popunjen zahtjev za ekvivalenciju ranije stečene akademske titule, odnosno naučnog i stručnog zvanja na Univerzitetu u Sarajevu (*dostavljaju samo kandidati koji su stekli zvanje diplomirani inženjer po predbolonjskom sistemu studiranja*)
- biografiju,
- diplomu o završenom predhodnom obrazovanju (original ili ovjerena kopija),
- uvjerenje o položenim ispitima ili dodatak diplomi (original ili ovjerena kopija),
- rješenje o nostrifikaciji/akademskom priznavanju diplome koja je stečena u inostranstvu ili diploma stečena u nekoj od država bivše Jugoslavije nakon 06.04.1992 godine,
- dokaz o poznavanju jednog stranog jezika,
- izvod iz matične knjige rođenih,
- uvjerenje o državljanstvu
- uplatnicu od 100,00 KM na transakcijski račun Arhitektonskog fakulteta u Sarajevu kod Uni Credit Bank d.d. Sarajevo račun broj: 3389002208255062, u svrhu obrade podataka,
- druge relevantne dokumente kojima dokazuje ispunjavanje općih i posebnih uvjeta iz ovog konkursa.

IV

Konkurs za upis na III (treći) ciklus studija – doktorski studij na Arhitektonskom fakultetu u Sarajevu ostaje otvoren 30 dana od dana objavljivanja.

V

Visina školarine na III (trećem) ciklusu studija – doktorskom studiju iznosi 7.000,00 KM (sedamhiljada KM) po studijskoj godini.

VI

Prijave na konkurs sa obaveznom dokumentacijom se podnose direktno na protokol fakulteta ili preporučenom poštom na adresu:

Arhitektonski fakultet u Sarajevu, Patriotske lige br. 30, 71 000 Sarajevo, Bosna i Hercegovina

Uz naznaku „Prijava za upis na III (treći) ciklus studija – doktorski studij“

Konkursni materijali se ne vraćaju.

Nepotpune i neblagovremene prijave neće se uzimati u razmatranje.